

Aisea e fai ai suega o le AIM ?

O suega o le AIM e maua mai ai faamatalaga taua e uiga i aoaoga a lou alo. Latou te faailoa atu ia oe le tulaga ua i ai le taumafaiga a lou alo ma faatusatusa i laasaga e tataua ona ausia ma faatusatusa aga'i i isi tamaiti uma e tutusa vasega.

E su'eina (assess) tamaiti o le Vasega 3 e iloa ai le tulaga na ausia i le faaiuga o lona aoaoina i vasega latti ma e toe su'eina i le Vasega 5 e iloa ai tulaga o taumafaiga a o le i ulufale atu i aoga maualuluga. E togiina tamaiti i le Vasega 7, le amataga o aoga maualuluga ma le Vasega 9 a o le i uma tausaga e tataua ona auai ai i aoga.

E le gata i isi suega e faia i totonu o vasega, e mafai foi e faiaoga ona faaoga taunuuga (results) o suega a le AIM e :

- Mulimuli ai i gasologa o taumafaiga a tamaiti taitasi i vasega taitasi
- Fuafua itu malolosi ma itu vaivai o tamaiti taitasi
- Fetuunai polokalame aoaoina e talafeagai ma mea o manaomia e tamaiti taitasi.

E maua mai foi i suega o le AIM faamatalaga e fesoasoani ai i aoga e faatusatusa ai taunuuga o taumafaiga a a latou aoga ma a latou tamaiti ma isi aoga ma a latou tamaiti o le setete atoa. O le a faaogaina faamatalaga e maua mai i suega o le AIM mo le Numera ma le Gagana Peretania mo ripoti mo le fua faatatau o le atunuu atoa (national benchmarks)

O nei fua faatatau o lo o faamatalaina mai laasaga pito maualalo e faatagaina ona ausia e le tamaitiiti i Ausetalia atoa i mataupu o le Gagana Peretania ma le Numera. E ono faigata i tamaiti e le ausia ia laasaga (standards) ona ausia ni tulaga lelei i aoga e aunoa ma ni fesoasoani.

E maua mai i le VCAA taiala (curriculum) ma suega (assessment) mo Vasega Amata (Prep) e oo i le Vasega 12. O se matagaluega a le malo ma e fitoitonu ma le Minisita o Aoga ma Aoaoga ma e auauna i aoga a le malo ma aoga e le o ni aoga a le malo.

parents

AIM

Faamatalaga mo Matua

Samoan

Faasalalauina e :

Victorian Curriculum and Assessment Authority

41 St Andrews Place

East Melbourne

Victoria 3002 Australia

Telefoni +61 3 9651 4300

Facsimile +61 3 9651 4324

Email vcaa@edumail.vic.gov.au

Website www.vcaa.vic.edu.au

Tuuina atu ia oe o isi faamatalaga e uiga i le gasologa o aoga a lou alo i le aoga.

O le a le AIM ?

O le Achievement Improvement Monitor po o le Fuafaataata o le Gasologa o Taumafaiga , o se fua faataata a le setete ma o se polokalame e lipotia mai ai taumafaiga a tamaiti i le Gagana Peretania ma le Numera i le Vasega 3, 5, 7 ma le 9.

O a mea e aofia i le Polokalame o le AIM ?

E aofia i le Polokalame Suesue a le AIM o suega i le Gagana Peretania (Faitautusi, Tusitusi, ma le Sipela) ma le Numera. E faavae nei suega i Laasaga mo le Aoaina Lelei i Vitoria (Victorian Essential Learning Standards) le taiala o lo o faaogaina i aoga i Vitoria mai le Vasega Amata i le Vasega 10.

E faailoa atu e taunuuga o nei suega gasologa o taumafaiga ua i ai lou alo ma po o gafea tonu e ono penefiti ai o ia i ni isi taumafaiga po o fesoasoani faaopoopo.

E faapefea ona faataunuaina suega ?

E faaogaina le pepa ma le penitala.

E taliina e tamaiti o ni fesili ma saili fofo o faafitauli ma tusia a latou tali e faailoa mai ai mea ua latou iloa ma mea e mafai ona latou faia.

E faapefea ona fesootai suega o le AIM ma isi suega i le aoga o la'u tama?

E faaogaina e faiaoga suega eseese e fausia ai se ata o itu e malosi ai lou alo ma mea e manaomia. E i ai le sao o taunuuga o suega a le AIM i faamatalaga taua i le fausia o lea ata ina ia mafai ona e mauaina se malamalamaaga lautele o taumafaiga a lou alo.

O ai na te faia suega a la'u tama?

E faia e faiaoga suega a le AIM i le aoga. Peitai, e saunia ma makaina nei suega e le Victorian Curriculum and Assessment Authority (VCAA) . O lenei Puleaga latou te saunia taiala ma suega mo Vasega Amata e oo i le Vasega 12 i aoga a le malo ma aoga e le ni aoga a le malo.

O afea e faia ai suega a la'u tama?

E faia suega uma a le AIM i le Vasega 3, 5 ma le 7 i le kuata 3 i tausaga taitasi. O suega a le Vasega 9 e faataunuaina i le kuata 1.

E faapefea ona ripotia mai ia te a'u taunuuga o suega a la'u tama?

E lafo uma taunuuga o suega i aoga mo le tufatufaina i matua. E faailoa atu e ripoti o le tamaitiiti lava ia le tulaga ua ausia i le Gagana Peretania ma le Numera e faatusatusa i:


- Isi tamaiti i Vitoria i le Vasega 3, 5, 7 po o le 9
- O maka e tatau ona ausia i suega o le AIM
- Le laasaga e tatau ona ausia e tamaiti i a latou vasega pe a sueina.

E aofia foi i ripoti o Vasega 3, 5 ma le 7 taunuuga e tatau ona ausia po o fua faataata pito maualalo. O le ata lena o le ripoti mo matua.

Talu ai e le mafai e se suega se tasi ona faailoa atu se ata manino o taumafaiga a lou alo, e fautuaina lou faatalanoaina o ana taunuuga ma lona faiaoga. E malu puipua ma teuina faalilolilo e faiaoga ma le aoga faamaumaga o taunuuga o taumafaiga a tamaiti.

E faapefea ona ripotia taunuuga i aoga ?

E le gata i ripoti o tamaiti taitasi, e maua mai foi i le aoga ripoti auilili i vasega o tamaiti i totonu o le Aoga. E mafai foi ona faia e aoga faatusatusaga ma isi aoga o le setete, e avea lea ma fesoasoani i le fuafuaina ma le iloiloina o polokalame o aoga.



E faapefea ona mauaina ni faamatalaga i le Polokalame Suesue a le AIM ?

E maua mai faamatalaga mo matua, aofia ai ma faamatalaga i isi gagana nai lo le Gagana Peretania i le website a le VCAA VCAA – www.vcaa.edu.au/prep10/aim/

A uma taimi o suega, o le a maua foi kopi o suega na faaogaina ai pepa ma penitala mo vasega taitasi i le website ua taua i luga.

Mo ni isi faamatalaga ma faatalanoaga e uiga i le taunuuga o aoga a lou alo, Faamolemole faafesootai le Pule Aoga o lau aoga po o le faiaoga o lou alo.